

## REGLUGERÐ

### um Orðabók Háskólans.

#### 1. gr.

Orðabók Háskólans er háskólastofnun og heyrir undir rektor og háskólaráð, sbr. 64. gr. háskólaireglugerðar.

#### 2. gr.

Orðabók Háskólans er vísindaleg orðfræðistofnun. Hlutverk hennar er að vinna að hvers kyns orðfræðirannsóknum á íslensku máli, þ. m. t. að orðtaka prentað mál frá upphafi prentaldar á Íslandi svo og texta í handritum frá sama tímabili eftir því sem ástæða þykir til. Forgangsverkefni OH er að vinna að samningu sögulegrar orðabókar. Að öðru leyti ákveður stjórn OH á hverjum tíma markmið og verkefni OH.

#### 3. gr.

Stjórn Orðabókar Háskólans skal hafa á hendi yfirstjórn Orðabókarinnar á vegum rektors og háskólaráðs. Hún skal kosin af háskólaráði, að fengnum tillögum heimspeki-deildar, til fjögurra ára í senn. Stjórnin skal skipuð þremur mönnum og einum til vara. Rektor skipar einn þeirra formann stjórnarinnar og ákveður þóknun til hans að fengnu samþykki menntamálaráðuneytis.

#### 4. gr.

Fastráðnir starfsmenn Orðabókar Háskólans eru: a) forstöðurmaður (orðabókarstjóri), b) sérfræðingar.

Stofna má fleiri fastar stöður við Orðabókina með samþykki menntamálaráðherra að fenginni heimild í fjárlögum.

Ráðherra ræður fasta starfsmenn að fengnum tillögum samkvæmt þessari grein.

Umsækjendur um sérfræðingsstörf skulu leggja fram með umsókn sinni rækilega skýrslu um námsferil sinn og fræðistörf sem þeir hafa unnið, fræðirit og ritgerðir sem máli skipta vegna starfsins, prentuð sem óprentuð. Orðabókarstjórn skal dæma um hæfni umsækjenda og skal hraða störfum eftir föngum og rökstyðja með hliðsjón af fræðilegu gildi ritverk umsækjenda, svo og námsferil og starfsreynslu, hvort hún telur umsækjanda hæfan til að gegna sérfræðingsstarfi. Álitserð orðabókarstjórnar — eða einstakra stjórnarmanna — skal höfð til hliðsjónar við veitingu stöðunnar. Óheimilt er að veita manni sérfræðingsstarf við OH nema meiri hluti orðabókarstjórnar telji hann hæfan.

Stjórn Orðabókar Háskólans tilnefnir úr hópi sérfræðinga við stofnunina mann til að gegna starfi forstöðumanns. Skal hann skipaður til fjögurra ára í senn að fenginni álitserð orðabókarstjórnar.

Um aðrar fastar stöður sem stofnaðar kunna að verða skulu gilda hliðstæðar reglur eftir því sem við á.

Lausráðið fólk ræður forstöðumaður með samþykki formanns orðabókarstjórnar eftir því sem fé er veitt til í fjárlögum.

#### 5. gr.

Aðalstarfsvið stjórnar Orðabókarinnar er þetta:

- a. Stjórnin skal hafa yfirumsjón með orðabókarstarfinu og skipulagningu þess. Skal formaður koma að minnsta kosti vikulega í stofnunina og fylgjast með því, sem gert er, ræða þau vandamál, sem upp kunna að koma, við orðabókarstjóra og aðra starfsmenn stofnunarinnar.

- b. Stjórnin hefur, í samráði við rektor og orðabókarstjóra, ráðstöfunarrétt á húsnæði Orðabókarinnar, ef óskað er eftir að nýta það til annars en þarfa Orðabókarinnar, þó svo að það rekist ekki á starf hennar.
- c. Stjórnin skal, í samráði við orðabókarstjóra, gera áætlanir um árlega fjárþörf Orðabókarinnar. Fjárlagatillögur skulu kynntar háskólarektor, bæði á undirbúningsstigi og í lokagerð.
- d. Ef ágreiningur rís innan stofnunarinnar, sker orðabókarstjórn úr.

#### 6. gr.

Verksvið starfsfólks Orðabókarinnar er þetta:

- a. Forstöðumaður leggur stund á hvers kyns orðafræðirannsóknir í tengslum við orðabókarstarfið og er hann tengiliður milli stjórnar OH og starfsfólks. Hann hefur með höndum daglega verkstjórn á OH og umsjón með því starfi sem þar er unnið. Í upphafi hvers starfsárs gefur hann orðabókarstjórn skýrslu um starfsemi liðins árs og leggur fram starfsáætlun fyrir það ár. Forstöðumaður er í fyrirsvari fyrir Orðabók Háskólans ásamt stjórnarformanni. — Að öðru leyti sinnir forstöðumaður þeim verkefnum sem orðabókarstjórn felur honum og heyra beint undir orðabókarstarfið.

Forstöðumaður á setu á fundum orðabókarstjórnar án atkvæðisréttar. Hann skal halda fundi með sérfræðingum stofnunarinnar tvisvar á ári um starfsáætlun og oftast ef þurfa þykir um þau verkefni sem stofnunina varða. Heimilt er að kveðja formann orðabókarstjórnar á slíka fundi. Samþykktir slíkra funda skulu bornar undir orðabókarstjórn ef þær varða valdsvið hennar.

- b. Sérfræðingar leggja stund á hvers kyns orðafræðirannsóknir í tengslum við orðabókarstarfið og annast orðtöku og ritstjórn á vegum OH. Í samráði við orðabókarstjóra vinna þeir að þeim verkefnum sem orðabókarstjórn markar eða ákveðin hafa verið á starfsmannafundum, sbr. a-lið. Heimilt er að kveðja sérfræðinga á fund stjórnar OH og jafnframt geta þeir óskað eftir fundi með henni.

#### 7. gr.

Rekstur stofnunarinnar er kostaður af ríkisfé, samkvæmt því sem fé er veitt til í fjárlögum.

Aðrar tekjur eru þessar:

- a. Styrkir til rannsókna eða greiðsla fyrir umbeðin verkefni.
- b. Gjafir.

Öflun tekna á þann hátt, er greinir í 2. málsgrein, er háð samþykki stjórnarinnar.

Ársreikningar stofnunarinnar skulu sendir ríkisendurskoðun til endurskoðunar ásamt fylgiskjöllum. Samrit reikninganna sendist háskólarektor og menntamálaráðuneytinu.

#### 8. gr.

Reglugerð þessi er sett samkvæmt lögum um Háskóla Íslands, nr. 77/1979, 36. gr., sbr. 64. gr. háskólaeglugerðar, nr. 78/1979, og öðlast þegar gildi. Jafnframt fellur úr gildi reglugerð um Orðabók Háskólans, nr. 271/1979.

Akvæði 5. mgr. 4. gr. reglugerðar þessarar, um skipun forstöðumanns, koma þá fyrst til framkvæmda er núverandi forstöðumaður látur af starfi.

*Menntamálaráðuneytið, 24. maí 1983.*

**Ingvar Gíslason.**

*Birgir Thorlacius.*